


DE
URBIUM
SAXONIÆ ET DORIN-
GIAE
ORIGINIBUS.





I. Urbium origines sunt obscuræ. II. Taciti ævo nulla urbs aut castrum in Saxonia fuit. III. Teutoburgum, cujus in Variana clade mentio fit, non est urbs, sed silva. IV. Quid πόλις apud Ptolomeum significet, quando de Germaniis usurpatur. V. Ex Cesare probatur. VI. Sævi pro primis conditoribus habentur. VII. Tautenburgi origo & ætymologia, item de Doruburgo. VIII. Heinricus I. plures urbes condidit & munivit. IX. Naumburgi quis autor. X. Cujus Naumburgi Landgraviæ fuerint Domini. XI. Themata Orationum.

§. I.



Ardua, & magni laboris res existimatur, urbium castrorumve, quæ vetustate gloriantur, indagare origines: Nam nihil tam abstrusum, nihil tam remotum ingenio est humano, quam quod antiquitate involutum tenetur: Ad fontium origines, quanquam in secretissimis latent secessibus, sedulus indagator accedere tandem potest; sed antiquitas, quæ gremio quasi res celeberrimas complectitur, omnem operam, omnem conatum, atque diligentiam tacita cludit, ut vel laboriosissimus fateatur oporteat, se præter conjecturam nihil occupasse. Hoc quidem deterret multos, ut ne iisdem vestigiis insistentes, operam & oleum perdant; nihilominus ea est mentibus insita libido, res absconditas eruendi, ut non minus ac Ceres, quæ Proserpinam per universam terram investigando, ab ortu ad occasum, & à Septentrionibus ad Austrum percurrit, litterarum orbem peterrando fatigentur; Nec tamen affirmare possint, se ullum rei investigatæ indicium invenisse, quod tamen Cæteri tandem contigisse fabulæ referunt. Hinc cum & ego id negotii aggrediar, etiam atque etiam rogo, ne sinistrè accipiar. Omnes per scrutantes spes rei inveniendæ tenet, forsan mihi fortuna favet, ut propius,

pius ad origines accedam. Velim autem scias, me earum rerum, quas Oriens habet, curam non tangere: Patria satis dives est, immò tanta abundat copia, ut dubitem, an ulla aut diligentia, aut ætas eam exhaustire possit. Igitur apud apulum meum constitui, tantum urbium antiquarum, quæ in Doringia & Saxonia sunt, origines pro viribus evolvere.

§. II. Tacit. in lib. de mor. Germ. cap. XVI. claris verbis indicat, primo Seculo post Christum natum, nullas in Germania urbes fuisse, quando nullas inquit, *Germanorum populis habitari satis notum est, ne pati quidem inter se junctas sedes colunt discreti & diversi, ut fons, ut campus, ut nemus placuit. Vicos locant, non in nostrum morem, connexis & coherentibus aedificiis, suam quisque domum spatio circumdans sive adversus casus ignis remedium, sive inscitia aedificandi. Ne camentorum quidem apud illos, aut regularum usus &c.* Hæc verba, quanquam ita perspicua sint, ut cui libet eorum sensus pateat, nonnulli tamen ex Annalibus eius, quos ingenti studio composuit, aliud evincere se posse existimant. Nam cum L. I. c. 60. de pugna & clade, quâ Romanus exercitus cum Duce Varo occisione occubuit, verba facit, locum designaturus, silvam Teutoburgensem nominat: *Ductum inde agmen ad ultimos Bructerorum, quantumque Amisiam & Luppam amnes inter, vastatum: Haud procul Teutoburgiensi saliu, in quo reliquæ Vari legionumque inssepulcra dicebantur &c.* Nec res tam levis momenti videatur, quin expositionem mereatur. Nam clarissimus Geographi pro certo habent, silvam hanc ab urbe nomen accepisse, sed in eo tantum dissentiunt, cui provinciae aut urbi hoc decus conveniat. Quidam Doesburgo Geldriae, nonnulli Duisburgo Cliviae, alii Dietmellæ Westphaliae illud vindicatum eunt. Sed nemo illorum veritatis speciem, ne exiguam quidem, suæ sententiæ affingere potuit. Meam super hac re ut exponam opinionem, persuasum habeo, in loco Taciti, ubi expressis verbis negat, suo tempore urbes in Germania extitisse, nihil esse immutandum, sed potius cogitandum, quomodo alter locus commodè explicetur. Si enim Taciti ævo nulla urbs in Germania fuit, certè haud credibile videtur, olim Augusto imperante, tam insignem jam fuisse, quæ cum silvâ, multum in longitudinem & latitudinem patente, nomen communicare potuit.

§. III. Cum igitur Teutonici munimentum, aut burgi, mentio sit, non de castro aliquo, aut urbe, aut aere, solidis moenibus cincta, sed ipsa de silva est intelligendum: Quod enim castrum tam firmum? Quæ urbs tam valida est? Ut cum silva Teutoburgiensi, quæ nostro tempore Semana dicitur, comparari possit. Verisimile igitur est, passim cum Ro-

mani

mani castella exstruerent, Germanos eis illudentes sermone crebro iactasse, silvam sibi pro munimento esse. Hoc etiam veteres Romanos sensisse ex Cæsare patet, quando in Bello Gall. Lib. VI. c. 10. *Silva, inquit, est ibi infinita magnitudinis, qua appellatur Batenis;* (Althamerus interpretatur Doringen-Wald) *& longè introrsus pertinet, & pro muro nativo obiecta, Cheruscos à Suevis, Suevosque à Cheruscis injuriis incursionibusque prohibet.* Avent. Lib. de Saxon. Cæs. pagin. 343. *Doringi, inquit, regionem possident, qua silva Semana tanquam muro circumdatur, & ea à Bavaris, Francis, & Suevis separatur.* Et Nauclerus Generat. III. p. 459. *Titus, inquit, reliquias Iudeorum alloquitur, utrum multitudinem freii obedire detrectatis? Germania firmitate murorum, Britannii Oceano septi adorant arma Romanorum.*

§. IV. Vides, quod munimentum, quod propugnaculū fuerit Germanis. Facessat igitur anilis, & simplex fabula de urbe Teutoburgo, quam adhuc viri non exiguominis ausi sunt recoquere. Putant quidem, se grande patrociniū errori suo invenisse, quando vel audiunt, vel legunt, Ptolomæum, qui tantum XL. annis post, quam Tacitus vivere desuit, Tabulas Geographicas composuit, quam plurimas Germaniæ πόλεις, i. e. urbes, recensere, atque eos magis hoc in opinione confirmat, quod Münsterus in Cosmograph. & Bilibaldus Pirckheimerus in Explic. Germani nomina civitatum, quæ Ptolomæus indicat, ad certa loca Germaniæ applicare nituntur. E. g. Mesovium Magdeburgum, Scireonium Castellam, Sinanda Osnabrigam, Tulisurgium Brunsvicum, Teuderium Paderbornam esse conjecturantes. Nunc de Auditorum Taciti & Ptolomæi, quæ excelluerunt, nolo disputare præstantia, nec utri plus fidei sit habendum, copiose inquiram, sed utrique veritatis laudem constare, satis perspicue ostendam. Ptolomæus plures esse dicit πόλεις Germaniæ, nec hoc negat Tacitus: Nam πόλις vel civitas non idem valet, ac urbs. Hæc est communitas fossa, vel muro circumdara; illa est societas, ex pluribus consistens pagis: Pagus autem plures habet domos, qui etiam quanquam tecta non sunt contigua, coalescere potest, atque vigere.

§. V. Quem fugit, in hac significatione Cæsarem, dum bellum Gallicum describit, sæpenumero vocabulum civitatis usurpare. Sed hic jam brevior ero, quoniam in monumentis Suevorum, propediem prodituris, id ipsum exposui; non tamen possum, quin unum exemplum rei illustrandæ causa adjiciam. L. I. Cap. 12. *Omnis civitas, inquit, Helvetica in quatuor pagos divisa est. Pagus Tigurinus, qui domo cum exisset, patrum nostrorum memoria, L. Cassium interfecerat, & ejus exercitum sub jugum miserat.* Qualis hæc civitas, & qualis pagus hic tibi videtur? Orosius, Ilidorus,

Liur-

Liuprandus, & alii, qui dicunt, suo tempore Burgos in Germania fuisse, me jam nihil remorantur, quoniam longè infra eam, de qua nunc disputo, ætatem sunt positi, hoc facile concedere possum, ipsorum ævo Burgos extitisse in Germania, & crebra habitacula constituta id nominis habuisse, ut Orosius affirmat; sed quid hoc ad nostrum Teutoburgum, de quo disquirimus, cum Tacitus expresse neget, suo tempore Germanos conjunctim habitasse.

§. VI. Postquam igitur abundè demonstratum puto, nullas urbes, aut ut sequioris ævi autores loquuntur, Burgos in Cheruscis fuisse. Nunc ad illud tempus accedam, quo urbium condendarum ratio placere cœpit. Cum Cheruscorum nomen, nescio, quibus fatis, esset deletum, Saxones in eorum loca successerunt: Hi, interjecto tempore, quasi triumphatâ Germania, partim in Angliam, partim in Italiam discesserunt, commodioris sedis quærendæ causa. Quibus digressis Svevi A. C. 15 LII. à Clothario II. Rege Gallorum in hanc provinciam sunt translati. Sed vix novam possessionem occupaverant, cum finitimi, spei peregrinæ gentis invidentes, eos lacessere inciperent: Imprimis autem graves patiebantur Vinidos, qui excursionibus crebris novos vexabant incolas, ne firmas sedes figerent. At verò neque his animus in sui tutelam deerat. Sed sicuti urbes more Gallorum, quibuscum diu fuerant versati, condere moliebantur; ita & Burgos in finibus muniabant, ut si non armis, moenibus saltem hostium sustinerent impetum. Vinidi illi, alias Heneti & Slavi dicti, Lusatiam, Bohemiam & terram Variscorum incolebant, insignesque virtute habebantur.

§. VII. Unum munimentum, quod Constantius Svevi extruxerunt, & vulgò Tauteburgum vocatur, admodum celebre est: Cumque antiquitatis gloria superbiat, quibusdam opinionem ingeneravit, Teutoburgi famâ non esse indignum; cum quod nominis ratio conveniat, tum quod silvis undique sit cinctum. Verum quo minus eorum sententia locum habere possit, multa obstat videntur, quæ qui scire desiderat, Taciti Annales. c. I. evolvat. In silva quidem Teutoburgiensis situm est, an autem à Teutonibus nomen habeat, definire non audeo. Attamen si animi licet prodere sensa, à *tutus* mihi descendere videtur, ut in compositione sonet, *Die sichte Burg*. Nam Svevi cum Francis viventes, multa Latine lingvæ vocabula recipiebant, nec Sacerdotes, qui autoritate multum valebant, alia lingua urebantur: Multis insuper exemplis constat, Latinorum U à Germanis in AU mutari: Sic pro duso, *Daufen* / pro ruta, *Raute* / pro lustrò, *Laustern* / pro murus, *Maurz* &c. dicunt. Alterum est Dörenburgum, ultra Salam præcipiti rupe, multumque edita conspicuum. Hoc mihi dictum videtur quasi Döringerburg, quamvis aliter Sagittarium in an-

tiq: Regni Thur: sentire, me non prætereat. Svevos autem istos, qui à Rheno huc venire, alio nomine Doringos esse uocatos, quæque causa sit appellationis, alibi copiosè ostendam. Magno certè consilio hæc munimenta condita sunt. Horum enim beneficio novi incolæ, utramque fluminis ripam tenentes, tuti erant, nec deerant receptacula, quò hostibus, ingruentibus, confugere poterant.

§. VIII. Itaque Svevis prima origo castrorum & urbium, quæ in Saxonia aut Doringia sunt, merito debetur. Nec difficile esset hoc pluribus confirmare, nisi materia hæc modum programmatis excederet. Interjecto tempore, cum Hunni, gens immanitate barbara, longè latèrque omnia vastarent, nec Vinidos tantum vicinos opprimerent, sed etiam per istorum regiones, veluti rabida bestia, in Saxoniam & Doringiam excurrerent. Heinrichus I. Heros ille, maximi animi atque consilii, plura propugnacula exstruenda putavit, ne celeritas gentis, volucris ferè velocioris, incautos occuperet. Nonnum deinde quemque ex agricolis quæ manu strenuum cognoverat, armis instructum, ea loca habitare, & omnibus viribus propugnare iussit, quæ oppidis & castellis idonea videbantur. Quo facto milites ferociores cives securiores, patriam illustriorem reddidit. Nam cum Harpyj istæ advolarent, omnia pro consuetudine pessimo fœdaturæ, tempestatis instar eis superveniebat; Et cum una manus, quæ prædabunda agros devastabat, occisione caderetur; altera, quæ Jecheburgum obsidebat, sine prælii discrimine dilapsura, concursu multitudinis oppressa debebatur. Sic igitur Heinricus, nec minus Saxonia debet, quod ab externis hostibus liberata, quod inconcussa deinceps persistit.

§. IX. Hanc pacem & tranquillitatem Otto, filius haud degener, magis magisque confirmavit, & multa præclare egit, quæ de religiosa pietate non minus, quam de regia ejus munificentia testantur. Non enim tantum loca, quæ pater munienda curavit, magnificè exornavit, sed nova etiam opera condidit, quibus nihil excellentius antea Saxonia viderat. Quis autem Cæsarem, vel Saxoniorum principum Naumburgi nostri fundamenta posuerit, parum liquet: Attamen ex Ditmari Chronico patet, quod deum post Heinrichum I. & forsitan etiam post Ottonem M. condici cepit, quod dictus autor, qui Heinrichi II. tempore vixit, hanc urbem passim *Novam civitatem* appellat. Jam verò nequaquam videtur verisimile, eum vocem Germanicam interpretari, sed potius indicare voluisse, suo tempore eam conditam & novam extitisse: Nec obscurè innuitur, ipsum Heinrichum II. autorem ejus esse, quando Conradus in diplomate, quod A. C. CIOXXX. super mutatione Episcopatus est vulgatum: *Transulimus*, inquit,

Emunimus propter pacis firmitatem, & religionis augmentum: In memoriam scilicet Ottonis I. quin & Domini nostri Heinrici Imperatoris facientes & spem requietionis eorum, in hac re procul dubio considerantes: Nam ideo hos duos Imperatores coniungere videtur, quod alter Episcopatum, alter urbem condidit, Eccardum quidem II. heredem loci Pontifex Johannes XIX. nominat. Vid. de Eccard. II. Sagittarii I. disput.: Quod tamen non ita accipiendum est, ac si Cæsari nihil juris in urbem fuerit: Notum est, quæ tum temporis Marchionum hereditates, quæve jura fuerint. Marchioni igitur Eccardo hic locus bene jam munitus; contra Vinidosá Cæsare defendendus traditus est, quæ muneris dignitas deinde ob merita singularia in filios quoque descendit. Sin autem jam, Ottone imperante, Naumburgum moenibus, circumdatum fuisset, iisdemque tam firmis, ut hosti sustinendo essent, qualibus Conradi II. ætate munitum legitur, nescio, cur Cizâm Episcopatum condendo Otto elegerit.

§. X. Cæterum non prætereundum est, arcem quæ è regione, ubi Unstruta Salz miscetur, sita est, & nunc Friburgi nomine venit, olim Naumburgo nostro cognominem fuisse: Multosque multis erroribus implicuisse. Dreserus ipse in opere de urbibus, non audet definire, quodnam illud castrum sit, cui historia de muro vivo conveniat; quando dicit: Chronicon Thuringiæ mentionem facit arcis, cui nomen Neuenburg. - Eò A. C. CIOCL. Cæsar Fridericus venisset, & Ludovicum terreum Landgravium Doringiæ visitasse dicitur &c. Ejus historia breviter quidem, sed admodum accurate in chronico Msc. traditur quo Landgraviorum Doringiæ res gestæ exponuntur, quodve in Bibliotheca Gothana adservatur, verba ita se habent: Da Ludevwig der Springer in Reichthum mercklich zugenommen hatte, bauete er bey Zusammenfließung der Saal und Unstrut ein Städtlein mit samt einem festen Schloß, und nannte es Nauenburg, vvie vvohl es jetzo Freyburg heisset / darum, daß die Invvohner sind frey gevvesen &c. Et quibusdam interjectis: Da der Roemische Keyser einmahl seinen Schwvæher besuchte, Wurde er von ihm auff sein Shloß Freyburg geführt. Als aber der Keyser das Schloß sahe, gefiel es ihm nicht, daß ein solch Fürstlich Schloß mit so geringen Mauren umgeben vvar &c.

§. XI. Multi historiam de muro isto, quem Landgravius una nocte adornavit, urbi Episcopali Naumburgo tribuunt, ambiguitate vocis decepti: Verùm constat Landgravius Doringiæ non tantum nihil juris in hanc urbem fuisse, sed ne castrum quidem rectè appellari posse. Hæc de urbium, quibus Saxonia & Doringia gaudent, præfari libuit originibus, quoniam duo Juve-

nes bonæ indolis & spei duorum Cæsarum , Winkindea stirpe progeneretur, quorumque memoriam nulla delebit oblivio, laudes pro viribus extol-
lent, Senatoriæ nostræ valedicturi. Alter.

JOHANNES JACOBUS BARTHIUS.

Naumburg. Misa.

HEINRICUM I. AUCUPEM,

Sagata prudentia excellentem:

Alter.

JACOBUS MARTINUS LOBECCIUS.

Weissenfeld - Thuring.

OTTONE M MAGNUM,

Togatæ sapientiæ exemplar celebrabit.

Huic actui, qui V. Id. April. & quidem hora pomeridiana I. instituetur,
ut Proceres urbis Nobilissimi, omnesque litterati interesse velint, & sua præ-
sentia juventuti, quæ litteris operatur, stimulum admoveere, quo honesta ex-
petat, necessaria quærat, utilia sectetur, ea qua decet humanitate
etiam atque etiam rogat

MARTIN. CHRISTOPH. LAURENTII.

R.

Numburgi, exprimebat Balch. Bosögel. d. 8. April. 1706.



rum, Winkindea stirpe proga-
bit oblivio, laudes pro vinibus con-
ter.

S BARTHIUS.

ilin.

AUCUPEM,

lentem:

S LOBECCIUS.

MAGNUM,

lar celebrabit.

dem hora pomeridiana I. instituent.
ve litterati interesse velint, & sua pro-
timulum admoveat, quo honorifica-
terur, ea qua decet humanitate
etiam rogat

PH. LAURENTIL

Bosögel. d. 8. April. 1706.



nes bonæ indolis & spei duorum Cæsarum , Witkindea stirpe proge-
nitum, quorumque memoriam nulla delebit oblivio, laudes pro viribus extol-
lent, Senatoriæ nostræ valedicturi. Alter.

JOHANNES JACOBUS BARTHIUS.

Naumburg. Misl.

HEINRICUM I. AUCUPEM,

Sagata prudentia excellentem:

Alter.

JACOBUS MARTINUS LOBECCIUS.

Weissenfeld - Thuring.

OTTONE M MAGNUM,

Togatæ sapientiæ exemplar celebrabit.

Huic actui, qui V. Id. April. & quidem hora pomeridiana I. instituetur,
ut Proceres urbis Nobilissimi, omnesque litterati interesse velint, & sua præ-
sentia juventuti, quæ litteris operatur, stimulum admoveat, quo honesta ex-
petat, necessaria quærat, utilia fectetur, ea qua decet humanitate
etiam atque etiam rogat

MARTIN. CHRISTOPH. LAURENTII.

R.

Naumburgi, exprimebat Balth. Bofsögel. d. 8. April. 1706.

